

قاراباسما

نسرین شیرمحمدزاده



باشلامیشدی. آما نهدنسه فیلمی، قیریق-قیریق ایدی. بو ایتتیفاقا بیر موقصیر آختاریردی. کیمین چوخ گوناھی وار بو آرادا بیلمیردی، اؤزو مو، هممنی، مریممی، یا...

اؤزونه چوخلو حاقلار وئیردی. من کیشیم، بونلار شریعت امریدیر، آلاھ دئییبکی، یاخشی ایش گؤرون. من ده اونون یولوندا بو ایشلری گؤروم. عایلهمی جهنم اؤدوندان قۇروماق لازیم دیر. بو منیم بوینومادی. همنین گوناھی مندن چوخدور، سؤزومه قولاق آسایدی، بوجور اولمازدی.

همن- دیلینی دیشله کیشی،- دئدی،- صباح بیر قاریش یئرده یاتاجاقسان. بیر ده او جواب وئرن گونوبهن فیکیرلش، سونرا آغزینی هاوایا آچ، هاتاران- پاتاران دانیش.

نبی کسدی قوربانین باشینی. قویدو بیر توربا ایچینه. قوربانین گۆزلی برهلمیشدی.

مریم - قورخوبدور،- دئییه، آرجا فیکیرلشدی. اؤزونو اونون یئرینه قویدو.- آتام اونا بیر گیله سو دا وئرمه- دی، من ده اولسایدیم قورخاردیم. مخصوصن ده ، بیجاغین کوت اولماسیندان. ایکی دفعه دالبادال چکندن سونرا دا باش بدنن قوپموردو. من اولسایدیم، چوخدان اؤدوم چاتلامیشدی. بلکه اونون دا اؤدو چاتلایبیدیر. اؤیله اولسا یاخشی اولاردی، چونکی گۆرمزدی، آتام ال لریایله قالانینی بیر-بیریندن آیردی.

نبی قوربانین باشینی بیر اؤولامیش سئچه باشی کیمی اوزدو. ساکین احوالی واریدی. سانکی هئچ بیر شئی اولمامیشدی. یئره، دووارا، اطرافا، حتتا اوزونه سپهلهن قان دا اونو سارسیتمامیشدی. توربانی زئرزمین دیب بوجاغیندان تاپدی. آغزینی باغلاماغا چالیشدی. ایپ تاپا بیلمهینجه، توربانین آغزینی ال لری ایله بیر یئره بیغیب، گلین باشینین تورو کیمی چوخلو چین وئریب، اؤوجونون ایچینه کپ-کپ توتدو و یولا دوشدو.

آتامین بو ایشینی آنلایا بیلهدیم. نئجه کی، آتامین گئجه یاریسی کیچیک «فاضیلی» بیر آت تیکهسی کیمی چینینه آتیب، های- کوی ایله، قیشقیرا- قیشقیرا و دهشت دولو گۆزلره، آغلیا- آغلیا ائودن قاچماغینی. نهدن منی اؤزویله آپارمادی؟ هارایا گئتدی؟

نینین آددیملاری آغیر ایدی. ائله بیل دونیانین بوتون آغیر داشلارینی اونون قیچلارینا باغلامیشدیلار. فیکره داملشیدی. آن باشیندان آخسام ائوه گلدییندن بری، ائلهدیکلرینی بیر فیلم کیمی گۆزدن کئچیرمهیه

نبى مانقالينين اودونو پوفلهيه-پوفلهيه:- دىل چىخارتميسان!- دئدى،- بو سۆزلىرى او قارداشين سنه اؤيرهدير دئىلمى؟

همين گۆزلىرى ياشلا دولدو- ال چك بو ايش- لرinden كيشى،- دئدى،- او هله كىچىك بىر اوشاقدىر. باشا سالما بيله سىنى. آيندىرما، بو سۆزلىرى اونونچون چوخ تىزدىر. نئچه ايلدىر يولدىن كئچهنى، باققالدىن توتدو چاققالجان. قاپى-باجاداكى، فاميلدهكى، كيشىلىرى منه تىكه توتوبسان، بابالىمى يويوبسان دىنمهميشم. سوسموشام، اما بونا دۆزه بىلمهرم آرتىق. او بىرىسى ده كى دئىرسن؛ منىم قارداشىمدىر. بونو آنلامالى سان! منىم اوندان سونرا هئچ كسىم يوخدور.

آتامين آياغى آسفالتين چوخورلارينين اىچينه گىردى و دىزى اوستونده يئره بىخىلدى. چتىنلىك- له يئردن قالخدى. دىزلىرى اينجىمىشىدى، قىرمىزى بىر شئى شالوارينين آلتيندا بىر دىزىندن آخمايا باشلامىشىدى، اما، سايمادى، يولونو داوام ائتدى. توربانين اىچينده كى، آتين قانى داملا- داملا آسفالتين اوستونده اهبرى-بويرو بىر خط سالمىشىدى. گئجهنين يارىسى اولدوغونا گۆره هئچ گۆرؤموردو. سانكى آتام نرهيه گئتدىنى اؤزو ده بىلمىردى. هر يئره سىسسىزلىك چؤكموشدو. سادهجه دريانين سسى گليردى.

همن آغلايىردى. - قىيوب گندهجهيم آرتىق،- دئىيردى، اما اؤزو ده ياخشى بىلىردى كى، هئچ بىر يئره گنده بىلمز. يعنى قىيوب گئتمه- يه يئرى يوخو ايدى. بو شهر ده اولدوغونا گۆره بو موصىبتدن قورتولماين هميشه ايكى يولو واردى و او هر ايكىسىندن ده قورخوردو. همين بورنونون سويونو چكه-چكه داوام ائتدى- داها جانا دويموشام. ايشلهميرسن، ائوين خرچىنى وئرميرسن. كيشىلىرى كىمى گىمله سويلا گئتميرسن. هئچ اولمازسا بىر نئچه بالىق كى آخشامدان- آخشاما اؤزونه ائوه گتيره بىلدىن. اما اونو دا

ائلهميرسن. سن كى ائو-ائشيك بىلمىردىن نه- دن؟ نهدن اوچ اوشاغى منىم باشىما قويدون؟ نبى بىر تىپك ياغ شورباسىنين قابلاماسىنا ووروب، ياغسىز، يئرالماسىز شوربانى يئره- يئكسان ائله- دى- منه، نه! دوغمويايدىن اوچ اوشاغى،- دئدى. من ياواشجا - دهدم ائويندىن كى، گتيرمهميشم. سنىن ائوينده دوغموشام. واختىندا، بو گونلرين ده فىكرىنى ائلهيهيدىن، نه ايندى كى، مانقال باشىندان قالخىيسان.

آتاملا- آتامين سۆزلىرىندن هئچ باش قورتارا بىلمىردىم. كىچىك فاضىل قورخومشدى و بىر قلمه آغلايىردى. اونو باغرىما باسىب اوتاغىن كونجونده تئلتويون ماساسىنين آرخاسىنا گىردىم. بوتون بو صحنهلىرى ماسانين دالىندا اولان بىر دهلىكدن گۆروردوم و قورخوردوم. هميشه بو داوالاردا اؤز قورخولارىمى گىزلىتمهلى ايدىم. داوادان سونرا كى سىسسىزلىكده آتام هميشه:- چىخين سنگرىنيزدن ائشيه،- دئيهردى،- هلهلىك صلوح برقراردىر.

مرىم ماسانين دالىندا تىز- تىز دىرناقلىرىنى چئنهيهيردى و او هاى- كويون اىچينده تك بىر آرزوسو وارايدى، بو داوا تىز قورتولسون. تامام فىكىرى آخشامچاغى دايىسىنين اونا آلدىغى دفتر- ميدادين يانيندا قالمىشىدى. دفتر- ميدادىنى اوشلاقلارا گۆسترمك اىستهييردى. «اونلارا بىر آزاجىق ياندى-قىندى وئرهجهيم. چوخ دا يوخ! گوناهدىلار. اوركلرى يانار، سادهجه بىر آزاجىق، اينه اوجوجان. مدرسهده هر كس بئله شئيره راحاتلىقلا صاحب اولايلىمير.» مرىم بو فىكىردن گۆلومسوندو و اورهيينده «چوخ شوكور آلاء»،- دئىيب،- بىر آن ساواشين اورتاسىندا اولدوغونو اونوتدو.

نبى توپ گوللهسى كىمى يئردن قالخدى و همنى دؤيمهيه باشلادى. سيله، تىپك ايدى كى باش-گۆزونه ياغىردى. همين سسى چىخمىردى. سادهجه ياواش-ياواش آغلايىردى. كىچىك فاضىل قىشقىردى. مرىمين الينين آلتىندان قاچماق

ایستھیپردی. سانکی ہمنی قورتارماغا چالیشیردی. مریم، قوللاریندا اولان گوجله اونو مؤحکم توتدو. سسی چیخماسین دئییه،- بیر الینی ده آغزینا قويدو. بیلیردی کی، آرادا اولسالار اونلار دا ضربه یئییهجکلر.

همن همیشه ایکی مسلہیه چوخ تأکید ائدیردی- بیر آتانیز منی دؤیهنده آریا گیرمه- یین، قورخورام سیزه بیر شئی اول. ایکی، سسیمیزی قاپی- قونشو ائشیتمه سین. قویون آبیریمیز اؤرتولو قالسین،- دئییهردی،- قاپی- قونشو نییه بیلسین! بیلسلر بئشیننی ده اوستونه قویوب دونیا یا یارلار.

مریم یوخو گؤروردومو، یوخسا، قاراباسیردی اونو، بیلهنمهدی. همن هر گئجه یاتمامیشدان قاباق اونا، برک- برک تاپیشیراردی- قیزیم دیققت ائله باشینیزین اوستونده قارا بیر شئی اولماسین، قاراباسار بیلهییزی.

گئجه یاتمامیشدان قاباق کیچیک «فاضیل»-ه ناغیل دئیهردی. کیتاب اوخوما بیلمیردی. تزه- تزه اؤیره نیردی. مدرسه ده «بابا نان داد»،^۱ «سارا انار دارد»،^۲ «آن مرد داس دارد»^۳، «مادر در باران آمد»^۴ و... تزه اوخوموشدولار. ننه سیندن ائشیتدی بی ناغیلی یاری دوز- یاری ترسینه فاضیله تعریف ائدیردی. کیچیک فاضیل چوخ تنز یوخلادی. مریمسه دؤوقدان یاتا بیلمیردی. میداد- دفترین فیکری اونو راحت بوراخمیردی. «داها صاباحدان کؤترین کؤهنه، یاری یازیلی دفترینده مشق لیرمی یازمایا جغام»، دئییه یاتا بیلمیردی. آما یوخو اونو اؤزویله آپاردی.

یوخودا آتاسی اونا گیزلی بیر سؤز سؤیله ییردی. نهدنسه چوخ مئهربیان اولموشدو. اونا یاواشجا- سس سالما، هنجکیم بیلمهدن سنی ماشینلا بیر

- ۱ آتام چؤرک وئردی.
- ۲ سارانین ناری وار.
- ۳ او کیشینین اوراگی وار.
- ۴ آنا یاغیشدا گلدی.

بئرہ آپار جغام دئییردی. آما مریم قورخوردو، آناسینا دئمک ایستهییردی، نهقدر چالیشیردی، یئنه ده سؤزونو دئییه بیلمیردی. بوغازیندان سس چیخمیردی.

آتام بیر تاکسیبارا ال ائلهدی. سوروجو یوخولو ایدی. آتامین غئیری- عادی اولماسینی باش تاپمادی - هارایا؟- دئییه سوروشدو.

آتام مات- مات- هارایا گئدیرسن،- دئدی. شوفر تئججوبله آتامین اوزونه باخدی.

- نه یعنی!، سن هارایا گئدیرسن؟

آتام اؤزونه گلدی و بیر آدرئس وئردی. شوفر تئججوبله آتامین اوزونه باخدی. آما دینمهدی. آیاغینی قازین اوستونه باسادی. بیردن آنلادیم نهمگیلین ائولرینین آدرئسیدیر. بؤیوک باجیم کؤثر همیشه اورادا قالاردی. آخی نهم، نئچه ایل لرایدی کی خستهایدی. تئججوبوم او زامان آرتدی کی، آتام، نهمگیله گئتمهیه تاکسیا میندی. همیشه اورایا یئرده یئریه رک گئدردیک. بیزه چوخ یاخین ایدی.

تورباداکی آتین قانی تاکسیبارین صندلینین اوستونده ده ایز بوراخدی.

نبی دؤرد آی بوندان قاباق زیندانان چیخمیشدی. مریم، آتاسینین زیندانا دوشدویونو، آناسیلا، عمهسی دانیشارکن ائشیتیمیشدی.

همن- مواد توتوبلار بیله سیندن،- دئمیشدی،- یئددی آی یاتا جاق اورادا. اینشاللا گندر- گلمزه گندر. هئچ دوئمز.

عمهسی- دیلینی دیشله، آرواد،- دئمیشدی. نه ده اوسا، او منیم قارداشیمدیر.

نبی یئددی آی سونرا ائوه دؤندو. مریم اوچون اؤزؤن سوردو گلمهسی. همن، نبینین دؤمه- سیندن ناراحات ایدی. اؤز- اؤزونه- نه تئز باشا گلدی بو یئددی آی،- دئییردی. نبی دؤندویو گوندن یئنه ده سؤزلر، داوالار باشلامیشدی.

زینداندان قایداندان سونرا تزه باهانالار تاپمیشدی، تزه سۆزلر اؤیرهنمیشدی. همن تعجبوب ائله- بیردی. اونو آنلایا بیلیمردی. اونلارین یاشادیغی اؤلکهده بوشاماق دب دئییلدی. همنی هئچکس نبیدن آیریلاندان سونرا ساخلامازدی، قارداشی بئله. اورادا قادینلار، بو موصیبتدن قورتولماق اوچون اؤزلرینی یاندیریپ، اودلایاردیلار. بو بیر دبه دونوشموشدو. همن یا گرک اؤزونو او بیری- لر کیمی اودلایاردی، یا گرک اوتوروب چکردی. او بونلاری بیلیردی و آبریسینا قیسینیردی. نبینین اونون اوستونه آد قویوب، سونرا راحتچلیقلا اونو اؤلدورمه سیندن ده قورخوردو. بو دا ایکجی دب ایدی بو اؤلکهده. او بو اؤلکهده اوشاقلارینین صاحبسیز قالماسیندان دا قورخوردو.

نبی، زینداندان چیخاندان سونرا همنین قارداشی عبدالولایا ایلیمیشدی. همنه- نییه گلدی قارداشین بو ائوه؟- دئییردی.- نییه گئتدی؟ سنه نه ائلهدی قارداشین؟ نه دن الیندن توتدو؟ نییه مریم ایله دانیشیر؟ نییه مریمی قوجاغینا آلیر؟ و....

او آخشام نبی ائوه دونمه میشدن داییسی عبدالولایا یئنه همنه باش چکمه هه گلمیشدی. مریمه ده بیر دفتر و بیر میداد آلمیشدی. مریم سئوینچیندن بولودلاردا اوچوردو.

عبدالولایا دئییلدی، یاشی بیر آز کئچدیندن دالیجا دئی- قودو دا وار ایدی.

تاکسی ساخلادی. آتام بولانا- بولانا یئره دوشدو. سونرا نهم گیلین کۆچهلرینه گirdی. قاپلارینین دالیندا بیر آز دایاندی. قان دامالاری تاکسیباردان دوشندن بری، نهم گیلین قاپیلاری نین دالینا کیمین چکلمیشدی. هر کس یاقمیشدی. آتام قاپی دالیندا بیر- بیری نین اوستونه بیغیلان، اودون و داش قالاغینین اوستونده اوتوردو. بئینین ایچی قاریشمیشدی، هئچ قرارا گله بیلیمردی، الینده کی توربا اونو گجه لتمیشدی.

یوخو گۆروردومو، یوخسا قاراباسیردی مریمی،

بیلیمردی. بیردن- بیره چیینین اوستونده بیر شئی اولدوغونو حیس ائتمه هه باشلادی. قورخدو. گۆزلرینی آچدیغیندا نبی یانیندا اهلله شمیشدی. نبی، مریمین گۆزلرینین آچیلدیغینی آنلادیغی زامان الینی اونون آغزینین اوستونه قویدو. یئردن دورماغینا بیر الی ایله کومک ائلهدی، و یولا دوشدو. مریم نهدنسه آتاسینین بیر الینده بیر شئی گیزلندیینی حیس ائلهدی، «نهدیر بو؟»، «آتامین منیمله نه ایشی وار؟»، «منه بیر شئی آلبیدیرمی، فاضیل بیلمه سین دئییه بورادا وئره جکدیر؟ آما نه دن گئجه یاریسی، بو ایشی گوندوز ده ائله هه بیلردی!»، «یئنه آتامین باره- سینده منی سورغویا چکجه جکدیمی؟»، «آهان، بیلدیم! عبدالولاه دایم دان سوروشاجاق، بو گون یئنه بورا گلیدیر دئییه سوال وئره جک؟ سنه بیر شئی یاپدیمی دئییه جک؟ همیشه سوروشدوغو سواللار! و...»

نبی، مریمی زئرمیهه آپاردی. نهدنسه چوخ مئهرییان اولوشدو. آما مریم بونو حیس ائده بیلیمردی، چونکی قورخو دولو بیر ووجودا دؤموشدو. آتاسی ایله اونلارین آراسیندا همیشه بیر فاضیله واریدی. مریم آتاسیندان همیشه قورخاردی. باخیشلاریندان، اوزون بویوندان، هئیکل بدنیندن، یئکه و آغیر ال لریندن. مریم جهد ائلهدی اؤزونو اورک وئرسین- نییه قورخورام،- دئی،- هر نه اولسا او منیم آتامدیر.

نبی، مریمین آغ بالیشینی دا اؤزویله گتیرمیشدی. بالیشی زئرمیده یئره قویدو و اونا- اوتور اوستونده دئی. مریم اؤز- اؤزونه- «آنام بیر بیلسه بالیشی زئرمینین توز- تورپاغینا سورقهوسن، حتمن ائوده بیر داوا دوشر»- دئی.

آتام آیغا قالخدی، توربانی هله ده الینده کیپ- کیپ توموشدو. سانکی قورخوردو بیر آز بارماقلارینی بیر- بیریندن آچا و توربا آیغ توتوب الیندن قاچا. یئنه یولا دوشدو. اونون هارایا گئتدییینی حدس وورا بیلیمردیم. کۆچه-

نین بوروغونو چۆندو. اوزاقدان چوخلو ایشیق گۆرونوردو. آتام ایشیقلارا طرف یورومهییه باشلادی.

نبی- قیزیم سندن بیر سۆز سوروشا جاغام- دئدی، دوغرو جواب وئر. یاخشی ؟

مریم، باشی لا اونا یاخشی، دئدی.

- دایین بورا گلیمشیدی دئییل می؟

اونا بیر جاواب وئرله بیلیمهدی. آناسی برک-برک تاپیشیرمیشدی، آتان بیلیمه سین. نه دئییه جهیی- نه قالمیشیدی. آناسی ایکینجی سورونو سوروشدو:

- دایین بورایا گلنده سنی قوجاغینا آلامی؟

- بلی، - دئدی.

- سنین اوز-گۆزوندن اؤپر می؟

- بلی، - دئدی، و یئردن گۆیه اوچدو. نینین تپییی دوز قارنیندان دهیمیشدی. بیر آز او طرف- لیک یئرله دوشدویونده، نبی باشینین اوستونده دورموشدو.

آتامین گۆزلی قان چاناغی کیمی اولموشدو، قپ- قیرمیزی.

ایاقلاری یئرله سورونوردو. ایشیقلارا چوخ یاخینلاشمیشدی. اورا بیر ائوه بنزه ییردی. بیر ی او ائوین قاپیسی قاباغیندا دورموشدو. آتام بیر آز اورایا قالان دایاندی. ائله بیل تصمیم توتا بیلیمردی کی، یاخینا گئتسین یوخسا قاییتسین. نبی مریمین توك لریندن یاپیشدی، اونی یئردن قووزادی- او سنه تجا ووز ائتدیمی؟- دئییه، سوروشدو.

مریم حدقه دن چیخمیش گۆزلرله نینین اوزونه باخیردی. «تجا ووز نه دیر؟» بیلیمردی. «آتام مندن نه ایستهییر؟» دئییه اؤزوندن سوروشوردو. بئینینی سیخیشدیردی، «درسلریمیزده تجا ووز دئییه بیر شئی اوخودوقمو؟» «خانیم موعلیم بو باره- ده بیزله دانیشیمی؟»، «یوخ دانیشماییب، نه

دئیم آتام، بلیمی، یوخمو؟»

مریم یئنه اؤزونو ها وایلا یئر آراسیندا تاپدیغیندا سسی چیخماسین دئییه یئرله دوشنده دوداقلارینی مؤحکم دیشلری نین آراسیندا سیخدی. سونرا آنی بیر جرقه بئینینین ایچینده چیراغ کیمی یا نما یا باشلادی؟ «بلی دئسه م، بلکه منی وورماز دا، چوخ آغرییر» یا و اشجا آغزینین قانینی یئرله توپوردو و زاریدی. نبی بیر یئکه زوپا الینده اونا یاناشدی. مریمین قیچی بتر آغرییردی. قیچینی هئج ترپه ده بیلیمردی. باشینی آستاجا قووزادی. اوز-گۆزو داغیلمیشدی. عاجیز جهسینه نینین اوزونه باخدی. نبیه سسسیزجه یالواریردی سانکی.

نبی باشی اوستونده اوتوردو. غیظله مریمه- ائتدیمی؟ اتمهدیمی؟ دئییه، سوروشدو.

مریم آغلییا- آغلییا کیچیک الی ایله آغزینین قانینی سیلدی و بیر درین آه چکیب- ائتدی.- دئدی.

آتام بیر موددت اورادا دایاناندان سونرا ایشیقلارا طرف یویوردو. توربانین قانی هله یئرله ایز بوراخیردی. قاپی قاباغیندا دوران آدام بیر عسگر ایدی. چینین اوستونده بیر توفنگ وار ایدی. آتامی گۆرمک همن- دور! سن! کیمسن؟ نه ایستهییرسن؟- دئدی.

آتام هئج دمه دی. ساده جه الینده کی توربانی عسگرین گۆزو قاباغینا توتدو. توربانین اوستونده کی قان و قانین یئرله تۆکولن داملالاری اونی سارسیتدی. عسگر ایختیارسیز بیر حالدا قیشقیردی: سرکار اوستووار!، سرکار اوستووار!

هر کس ایچریدن ائشییه چیخدی. هامیسی تومموشدولار و ایستر- ایسته مز فقط توربایا باخیردیلار. نبی اولارین گۆزو قاباغیندا ایچری- یه یورویوب. توربانی اوتاقدکی ماسانین اوستونه قویدو. ماسانین اوستونو قان گۆتوردو. نبی ماسانین یانیندا یئرله اوتوردو.

نبى مريمىن ساچلاريندان ياپىشىدى و بو دفة برك سسله چيغىردى- نه دئدين؟ او حريف سنه تجاوووز ائتدى، دئيىلمى؟- مريم جاواب وئرمه فورصتى تاپمادى.

نبى مريمى يئرين اوستونده سوروتدويه- سوروتدويه باليشا طرف چكىدى. مريمىن باشىنى باليشين اوستونه قويدو. اؤزوده مريمىن اوستونده اوتوردو. مريم بو آغىرلىغى تحممول ائله- يه بيلمىردى. چابالامايا باشلادى. داها چوخ قورخموشدو. چيغىرماق ايستهدى، اما نبى او يئكه ايله آغزىنى توتدو. او بىرىسى الى ايله بيچاغى سؤرعتله مريمىن بوغازىنا چكىدى. قان هر يئره فيشقيردى. بىرده چكىدى و...

همن سسه دىسكىندى و ديك يئرى نين ايچينده اوتوردو. اطرافا باخدى. بىردن مريمىن يئرىنى بوش گوردو. فنر كىمى يئردن قالخىب او بىرىسى اوتاغا نىنين يئرينه باخدى. نبى ده يوخ ايدى. اؤرهيى آغرى نين ايچينده چالينماغا باشلادى. اطرافا يئنه باخديغىندا، زئرمينين يانيق چيراغى نظرىنى جلب ائتدى. يئىن-يئىن پىللهره طرف قاچدى. بىر پىللهنى گؤرمهينجه باشى اوستونده يئره چؤكدو. زئرمينين قايسى قاباغىندا بىر آز دايلاندى. ياواش-ياواش ايچرى گىردى. مريم نبى- نين قاباغىندا اوزامىشىدى. آشپازخانانين آغ دسته يئكه بيچاغى قانلى اولراق يئره ايدى. مريمى نىنين نه ائلهديينى آيىرد گؤرموردو. نىنين دالى اونا ايدى. همن بوغازىندا بيغىشان سويو زورلا اودغوندو و سسى چىخار- چىخماز نىنى سسلهدى. نبى ياواشجا دؤندو. همن بىردن نبى- نين نه ايش گؤردويونو گوردو. نبى ايكى اللى مريمىن يارىيا كىمىن كسىلدى بوغازىنى بىر- بىرىندن آيىردى. همن قىشقيردى. قىشقيردى، آغلادى. آغلادى و يوخارى يا كىچىك فاضيله طرف قاچدى. سونرا....

عسگر ، سركار اوستوواريں امرياييله توربانين آغزىنى آچدى و گوردويو منظرهدن چيلغىنجا

چيغىردى. اوتاقدىكى، هر كسىن آغزى آچىق قالمىشىدى. رنگى سارالمىشىدى. سانكى بىر شوك ايچينه گىرمىشىدىلر. هر كس سوسموشدو. مريمىن توك لرى قانداق بىر-بىرينه گىرمىشىدى. چؤلدن دريانين سسى گليردى. دريا هو دئيه باغىيردى سانكى.

نبى اؤز-اؤزونه صبر ائله همن سنىنكىن ده سنه وئرهجهيم،- دئيىردى. لاپ اؤز باشىنا اولموسان. من سنى ايل لردىر چؤله چىخماقدان منع ائله- ميشم. سن گئجه يارىسى چؤله چىخىسان. آياغىنى سىندىراندان اوندان بىلرسن كى، نىنين هئچ كس له ظارافاتى يوخدور. بو فيكىر لرله يئردن قالخدى و قاپىيا طرف آدويملادى. قاپى- دا دوران عسگر گؤزلىرىنى ياشىنى سيله-سيله سيلاخىنى اونا سارى توتدو- اللىرىنى قالدىرىن، سىزى توتمايا فرمائىمىز وار.

نبى تعجبوب ائلهدى- نهدن،- دئيه، سوروشدو؟

اوستوواري اونا نىفرتله باخدى و جنائتلىرىنى سايدى.

نبى- سىز منه هئچ بىر شئى ائلهيه بىلمز- سىنيز- دئدى. من اوز حاق و حوقوقومو ازبرم، من ناموسومو، شرفىمى قوروموشام. بو آلاهيىن بوپوروغودور؛ ياخشى ايش گؤرون، جيهاد ائله- يىن، ياخشىليغا چاغىرىن. من ده بونو ائله ميشم. اگر منه بىر شئى ائله سهنيز، من اينانديغىم يولدا شهيد سايبلاجاغام. بونو ايستهيىرسىنيزسه منى توتون.

اوستوواري آغلادى. ماساين اوستوندهكى باشين حدقهدن چىخىمىش گؤزلىرىن بىرىنده ايكى داملا ياش دوهوشدو.

۸۷/۸/۱۷